

扶

荔

詞

扶荔詞集序

往壬午歲飛濤丁子舉於南
分舉於北當時卽聞丁子負雋才名噪海內及乙未丁子成進士官儀部又得讀其詩組織三唐
渢渢乎大雅之音上追高岑下亦不失爲
錢劉乃知丁子風雅正宗弁鉅詞多有由
然也數思與之把臂揚花一盡其蘊無句

丁子有塞外之行謀而不果心儀而神企
之者十餘年於茲矣比聞入關余亦歸里
今年過恒山晤余田間執手相勞苦見其
人雅度冲襟澹然自遠宜其吐詞抒采春
容溫粹婉約而多風也從之索新篇則又
知方肆力於詞學解著盈帙出以示余流
覽再四駸駸乎踞南唐北宋之室猶歛盛

哉益嘆丁子之才如萬斛之舟而又服其
道氣湛深有大過人者不獨爲詞人之雄
也昔人窮愁著書如三閭之騷龍門之史
皆以牢落欷歔之感發爲奇崛幽眇之辭
然傷於憤矣丁子處憂患窮關塞身歷險
巇備極艱瘁憂能傷人意其佗條無聊當
何如者而其氣愈益和神愈益王所著曰

益富亦日益工酒酣耳熱談藝文娓娓忘
倦不及世事觀集中之詞流麗雋永一往
情深所謂言近指遠語有盡而意無窮者
令人諷咏之餘穆然以思式歌且舞至其
寫閨房之委曲摹旅況之蕭森暢敘樽壘
流連贈答事存平閭巷婦子之微而情繫
乎君臣友朋之大寄寓閨而託興婉抑何

其樂而不淫怨而不怒耶是丁子風雅之
一變而不失古人溫厚和平之旨非深於
道者烏足以語此觀丁子之所遭如彼其
所造如此較昔之窮愁所著抑又遠矣余
固陋失學坐井窺管何足以盡之聊綴數
言簡末使海內讀斯集者知丁子以詞名
家而又不徒以詞見長則庶幾乎

康熙戊申冬日年弟梁清標序

序

夫辭賦之作體有雅怨聲有愉苦此情之正者也然有從雅而得怨從愉而得苦者此時之變者也夫時變矣而情或與之偕移則必有噍戾之音與幼眇之響或亢或墜或浮或沉此雖情之變亦變之正者也藹園丁子天下才也自其少時言語妙天下往

在長安官禮曹與余等論詩其聲崇
竑清越如金鐘大鏞此之謂夏聲矣
居霖何有忠州之貶走遼海望長白
山其聲激昂悽愴流連蘇李此一變
矣旣入玉關復仰瞻宮闕與故交風
契重結縞帶置酒相勞歡若平生輒
發而爲小詞如屯田淮海纏綿婉
清綺柔澹此又一變矣或曰是誠聲

矣美矣將毋失之弱傷於靡余曰不然國風好色而不淫小雅怨誹而不亂豈曰非情之變變而正者乎淵明閑情舞及覆於五願平子道術或鬱陶乎四愁託美人於君王比琅玕為君子又焉知不以怨為雅曰苦為偷以變為正者乎夫丁子天下才也忠君愛國之誠與夫慕及悅羣之概其

為纏綿婉惻清綺柔澹實齊不能自
已者一旦

天子恩賈生對宣室出入承明著作之
廷向之所稱金鐘大鏞鏗然自在又
何疑其為正為變之不倫也哉

康熙辛亥九月年家同學弟沈奎頓

首題

扶荔詞記

康熙庚戌春余讀書于燕城道院評閱丁苑圖儀部扶
荔詞三卷曰美哉斯詞庶不愧扶荔之名乎夫扶荔漢
武之宮也在上林苑中漢武旣破南越起扶荔宮以植
所得之奇草異木宮中有甘蕉十二本留求子十本桂
百本蜜香指甲花百本龍眼荔枝檳榔橄欖千歲子甘
楠皆百餘本是宮中所植不獨一種而宮名扶荔豈非
以荔枝又獨異于羣芳乎夫百物皆足用也而必以希
者爲貴是以熊羆膾鯁切如蟬翼未嘗不美而進以山

海味翠之鮮則遺芳不更射越乎纖縞文羅飄若雲煙
未嘗不適而進以蜀吳鸞鴻之章則流光不更馳耀乎
故讀儀部瓊窓寒東風詞入柳非煙弄花無影斷腸何
處聲聲慢秋夜詞撇得我恁憔悴自己鏡中難識歆着
枕把淚兒搵住怎得柳初新詞最惜纖腰如楚恐難禁
潮橋人去及早和他同倚怕銷魂夕陽飛絮瓜茄梨園
怨詞含糊過翻恨成悲細看去都是淚被風吹直向海
天雲底也知到他那裏有夢憶舊詞心頭念着小字千
迴忍將伊兒品令幽懷詞九十春光添做百分憔悴不

如除却今春慢把相思再理鳳銜杯舊恨詞將拭淚雙
綃斷腸一紙交伊看怎推得無人見臨江仙春暉詞柳
暉花醉喚不起鷓鴣啼盡梁殘日依依怪他燕子故雙
栖湘鈎暗下賺得個撲簾飛是愈出愈妍後人想前人
之上真可謂山間明月鳳管秋聲淒淒迴環傷情欲盡
其視花間草堂唐宋諸詞人不管如盧橘而婢黃柑與
蒲萄而隸茗筵此武皇宮中草木不止一本而必以扶
荔爲名無惑乎天寶妃子獨愛紅塵一騎也以此詞授
雙鬟執紅牙板倚雕欄作曼聲命余定其品格其類皆

細肌柔恰似當年十八娘乎

廣陵宗元鼎梅岑氏撰

扶荔詞目次



仁和丁

澎菴園撰

男

梓齡丹麓

校

榆齡紫厓

小令 卷一

十六字令

花裏

摘得新

搗練子

二首

望江南

十首

憶王孫

還方怨

甘州子

三首

如夢令

二首

天仙子

歸自譚

望江怨

西溪子

長相思
二首

烏夜啼

醉太平

減字鴈鴒天

長命女

生查子
三首

昭君怨

酒泉子

醉公子

點絳脣

浣溪沙
四首

中興樂

霜萼

訴衷情

採桑子

卜算子

減字木蘭花 二首

菩薩蠻

八首

更漏促紅窻

怨桃花

清平樂

憶秦娥

二首

喜遷鶯

畫堂春

金門歸去

秋盞香

武陵春 二首

桃源憶故人

眼兒嬌

攤破浣溪沙

三首

三字令

錦堂春

兩相思

番女八拍

柳梢青

河瀆神

滴滴金

偷聲木蘭花

扶醉待郎歸

少年遊

燕歸梁

一痕斜碧

憶醉鄉

燕銜花

尋芳草

醉花陰

二首

雙調荷葉杯

雨中花

二首

浪淘沙

二首

河傳

藥珠

月魄

南鄉子 二首

山鷓鴣

虞美人 三首

前調第二體

醉落魄

踏莎行

小重山

惜分釵 三首

中調 卷二

臨江仙 三首

前調又一體

一翦梅 二首

蝶戀花 三首

望遠行

鳳樓仙

漁家傲

蘇幕遮

鳳銜盃

醉春風
二首

月上綉窻烏夜啼

品令

錦纏道

行香子

解珮令

聲聲令

謝池春

連理一枝花

兩同心

梅花三弄

江神子

隔浦蓮

解蹀躞

傳言玉女

千年訓

風入松

婆羅門引

玉女度千秋

一叢花

過澗歇

蘆花雪

側犯

山亭柳

千秋歲引

瓜茉莉

柳初新

驀山溪

拂霓裳

銀鐙映玉人

安公子

皂羅持髻

二首

洞仙歌

江城梅花引

陽關引

西施愁春

長調

卷三

滿江紅

二首

尉遲杯

合歡

玉漏遲

夢揚州

水調歌頭

三首

高陽憶舊遊

漢宮春

聲聲慢

二首

夏初臨

新鴈度瑤臺

雙燕入珠簾

瑣窗寒

繞佛天香

念奴嬌

三首

石州慢

仄州第一

畫錦堂

瑞鶴仙

水龍吟

綺羅香

花心動

永遇樂

過秦樓

御帶垂金縷

風流子

霜葉飛

賀新涼

沁園春

二首

摸魚兒

法曲琵琶教念奴

玉女搖仙珮

寶鼎現

肖遍

右寄一頁五十二調共填詞二百零五首

詞變附錄 卷四

扶荔詞別錄目次

仁和丁

澎湖園撰

詞變 卷四

赤棗子 變

漁父

生查子 變

太平時

巴渝辭 變

本調

三臺 變

本調

楊柳枝 變

阿那曲

南鄉子

第一體 變 竹枝

風流子 變

天仙子

望梅花 變

調笑令

胡蝶兒 變

醉公子

長相思 變

本調

一算子

變
藏字木蘭花

謁金門

變

好事近

睂峰碧

變

玉聯環

山花子

變

三字令

步蟾宮

變

夜行船

南鄉子

變

本調

歸國遙

變

霜天曉角

四犯令

變

滴滴金

西江月

變

本調

瑞鷓鴣

變

木蘭花令

共填詞迴文調三十九首

扶荔詞

仁和丁

澎菡園

撰

萊陽朱

琬荔裳

選

禹航嚴

沆顯亭

小令

十六字令

閨夜

秋月悄玉箏和淚彈梧桐夜花影上釵寒

梁菴嚴日言短意長徘徊無限

朱旣庭自與周清真同咏月耳周云移過枕函邊

是閨中。時醒時情。景花影上。叙寒
是閨中。夜坐時。情景各極其妙。

花裏

新譜自度曲

自註云新譜者。詞園之所定也。有自度曲。有犯曲。有翻曲。自度曲者。以唐宋以來諸家詞。依聲按律。自成一調。或因原調而益損之。如減字攤破。偷聲。捉拍。皆可歌者。是也。犯曲者。節兩調或數調之音。而叶之於宮商。以合一調。如江月晃重山。江城梅。花引之類。是也。翻曲者。一調之韻。適可平仄互換。如憶王孫之為漁家傲。卜美子之為巫山一段雲。是也。要皆前人所有。不自我倡。雖云好事。非同妄作。後之學者。庶無譏焉。

本意

早起為惜嫩紅花裏小。盡未曾開。怕蜂來。

王西樵日似孟珠子夜
含情蘊意殊有小巧

摘得新

幽思

湘女琴絃絃一片心却被風吹去在花陰思君多少花
間淚看羅衾

冀芝麓日花間絕

調與草堂迥別

宗梅岑日與先生十六字令闋怨詞俱寫出秋
夜庭院光景如畫令人如見琴心吹落花陰時

搗練子

春情

情脉脉。淚濺濺。半臂春寒晚更添。燕子自來春自去。梨花飛盡不開簾。

張祖望目二作逐逐。歷思心若滴。煙絕似涼。蒲漂座。清香盪瑟之際。

又

瑤瑟冷。玉釵橫。悄立燈窻倚袖紅。不敢薰衣燃麝腦。恐妨花氣入簾籠。

范默庵曰。丰穠。荷麗。獨饒。幽致。遂兼秦七黃九之勝。

望江南

白門漫興

停○桃○處○桐○樹○石○橋○灣○淡○淡○鴉○藏○煙○柳○外○田○田○魚○戲○露○荷○
間○一○抹○蔣○陵○山○

曹顧庵曰十首寫白門詩景較香山
瞿塘竹枝夢得清江柳枝更自聲咽
毛稚黃日用齊梁樂府入江
南小詞景色幽艷應尔渾合

又

閒○游○冶○最○是○艷○陽○時○烏○巷○諸○郎○蘭○漿○筏○青○溪○小○妹○竹○燈○
祠○隊○隊○使○人○疑○

尤悔庵曰每咏烏巷諸郎
等句六朝風景宛然在目

又

秦淮夜到處。畫船燈。鵬過十千浮碧葉。蟾蜍三五掛紅。
爭人影在銀屏。

吳榜射日此秦淮真境今成往事矣
詞部多情能無杜牧水嬉之感耶

又

白楊渡枝上有提壺。宋苑梧桐梁苑雨。冶城秋月石坡。
烏往事且模糊。

宋嘉裳日冶城秋月石
坡烏是秦柳極佳處

又

尋舊院。幽草玉階生。燕子多情。窺屈戌。梨花無夢。逐長。

庚窈憶落釵聲

宗梅岑日僕曾題金陵長板橋絕句云湘蘭妓館何須問結綺臨春草木凋對此復悽然憶舊○屈戌長庚天然巧對

又

奈何許生小在長干竹篠巷邈同妾住蚬蛟磯上送郎船無計可留歡

沈鐸堂曰落花入領微風動語一片離情所謂湘蘭徒酌意塞不能自持者

又

橫塘去紅杏驛邊亭。客長鬚。牽馬渡吳儂。細語隔

聽那不動鄉情

又

南朝樹。小雨望中疎。長笛如聞桓子野。青山不見謝夷吾。隨意酒家胡。

何製音曰未免有情誰能堪此

又

狹斜路。薄倖莫留名。官妓數來今。尅白伊州唱出小秦青。老去尚多情。

嚴顥亭曰如過李龜年晚寓江南又如與開元白髮宮人對語校工部黃四娘家花滿蹊更深一致

又

歸去也。風送下江湖。月挂青林。開士苑。烏啼皂莢。內人
橋何處。更吹蕭。

余澹心曰。鳳皇臺上。明月涼。燕
子磯頭。秋水長。得此頓生冷艷。

憶王孫

送春

送春歸去。杏花殘。粧鏡慵開。半鞦褳。鬟斜亸。朦朧骨。正欄
被兒單。只耐東風一夜寒。

先梅菴曰。天然妙語。可
此小樓昨夜又東風。

還芳德

本意

紅酥減粉雲殘試搯裙襴鏡聽無憑相見難朝朝空抱
紫珍看夢魂何處住在蕭關

陳其年曰試搯裙襴正葯

圖所謂却是何時瘦也

唐明思曰纖情忍思薄落客
儀真有人不見心自知之妙

甘州子

溪邊

金沙灘上落楓初蘆葉岸一牀書輕帆林外夕陽疎烟

水牛含糊垂釣久。端只爲鱸魚。

關六鈴日明爽多。
姿意境俱新逸。

春睡

畫長人夢小紅樓。橫髭枕壓春愁。綠牕花影裊煙柔。乳燕墜香篝。貪睡穩。忘却下簾鉤。

評子山日一幅美人春睡圖

柳石友日讀此詞知綺窓人在東風裏並稱絕調

如夢令

閨詞

悄過碧欄干。外風動花間裙帶。纖手被郎牽。不管燕巢。

鶯。脉。無。奈。無。奈。儘。着。教。他。憐。愛。

王西樵曰：無奈二句，真個生受，却令不得
不輕憐。漫惜與李後主教人恣意憐，並妙。
張天士曰：來脫薄粧去，留
餘膩。讀此詞，令人消覓。

又

指冷玉貌香細。枕上半拋殘髻。密約已多時。人立小屏
空翠。牢記牢記。只待梧桐月墜。

顧見山曰：嬌治絕羣。始知明璫
爲誓。琅玕相要。多此一番北意。

天仙子

爲許師六題像

了房狀貌如好女。玉骨玲瓏欲仙去。他年應傍赤松遊。
香一炷。丹一黍。長與白雲同處住。

自仲調日是長庚寫生
手令高陽生炯炯欲出

歸自謠

咏枕

橫角枕。鴛繡並頭交。濯錦鬚脂和淚香。雲浸
葉成孤寢。今宵怎合歡。好夢須憑您。

王大愚曰神似清照

鄒程村曰怎您二字押得穩妙

望江怨

清明

羲輪促。山鬼秋墳泣。修竹新煙移。古木鵲夷長。伴劉伶。
宿反平。復昨歲。冶遊人。北邙春夜獨。

李湘北日絕似張藉王建樂府中語腸亮句未經人道至北邙春夜聞者幾爲骨悚

西溪子

本意

茆屋溪頭霜早。青得清光多少。小橋邊。楓一樹。鷗一渚。
與汝平分秋雨。黃葉可前村。問漁人。

周麟圖日意態高縱○可字疎秀唐人明月可出庭不妨並妙

長相思

本意

花陰陰。月陰陰。花月無情似有心。此心何處尋。朝雲深暮雲。深暮暮。朝朝直到今。於今却怎禁。

俞夢符曰。舊語耐思。情之所至。語語苦淚。雖承夜膏蘭焉能自解。

採花

郎採花。妾採花。郎指堦前姊妹花。道儂強是他。紅薇花。白薇花。一樹開來兩樣花。勸郎莫似他。

王阮亭曰。只道花枝好。此郎何大輕薄。道儂強似花。此郎何其溫厚。婢妾當擇溫厚者。裏面原來別有人。

出語何太尖。類一樹開來兩樣花。出語何等乘婉。合歡須合乘婉者。

烏夜啼

懷舊

畫欄曾繫蘭橈。正春宵。公子朱門何處。菱荷橋。一
斷銀燭冷。暗覓消。記得屏前紅袖。一相招。

黃雲孫曰。真是亭亭似月。嫵婉如春之想。

醉太平

爲嚴補闕題古秋堂

芙蓉作樓。鷗鷺作洲。主人有酒宜秋。插黃花滿頭。尊

湖一舟。桐江一張。山中猿鶴相留。道先生且休。

曹顧庵曰。短章妙有頓挫。其情深招。

愚乃見西泠諸公交情真摯處。

減字鷓鴣天

新譜自度曲
一名粧閣梅

粧閣梅

粧閣梅。隨風吹送。入君懷。玉肌香膩。傷人莫暗猜。

卜

重諧。輕梢小。朶。脈橫釵。數來顛。削成雙笑。幾迴。

顧修遠曰。嬌派南唐花間。

却步顧愛牛。嶠遜此纖穠。

長命女

春閨

春如海。衰菴斜映西窗外。美影人無奈。鬢鬟金盞暗墜。
衫鎖珠璣未解。綠遍宜男愁不採。蝶繞湘裙帶。

梁荅巖日雅調似少游
然巫娟姁麗更饒神韻

生查子

秋夕

山客殊未眠。靜倚秋亭暮。蟋蟀入牀頭。池照移庭樹。
捲幔註逍遙。石鼎煙初炷。玉露剪桐華。化作空階雨。

張祖望日白露沾松明月生漢自有遐想
顧梁汾日寫得陳簾正是善于設色處

江上

繫艇白楊橋門對春江綠江鴈解人憐隊隊沙頭浴
妾住在蕭灘郎渡潯江曲願作江上雲來去同歡宿
秦留仙曰江雲來去最難爲情幽思
至此可謂楚水弔煙社蘅擘涕者矣

寫情

幾日別君時一夜添消瘦無日不思君試問君曾否
昨日得君書今日開緘又明日幾回尋何日能拋手
查伊黃日連用數日字抒寫癡情如見○
其意不着一字通首作一句讀方見其妙
昭君怨

本意

玉輦春雲度。斷翠幕、紅酥燭。煖。莫更弄琵琶。有胡笳。薄髭紫貂斜鞞。眉染水。綃愁鎖。何物似宮中。一聲鴻。

梁蒼巖日咏明妃詞。翻新欲竒。幾無措筆。僕最愛詞部三絕句云。琵琶聲斷。月光寒。舊着宮衣淚未乾。正妾此時容貌。換君王。須展畫圖看。憶昔長門望玉鑾。秋風淅淅。動奔馳。穹廡滿地。背霜雪。不及西宮一夜寒。可與此詞並峙。

酒泉子

風情

暮閣簾垂。生憎郎如明月。透羅幃。穿花徑。少人知。妾身還似綠楊枝。不禁梁上燕。賺王孫。因風轉。怕歸遲。

彭退庵曰渾雅婉雋歐陽

皇甫不得擅美花間

吳茵次曰韋莊除却天邊月没人

知此云生憎郎如明月更奇

醉公子

寄情

香囊盤綉鳳是妾兒時弄此物何足珍憐他繫妾身
紅綿裝在裏扣上同心縷一縷一相思數來千萬絲

趙雍客曰天孫

雲錦迤其精巧

點絳脣

冬詞

未是春來枕屏。不。耐。梅。花。瘦。草。拚。纔。就。日。影。移。鴛。鴦。

眉際螺分。臉際檀霞透。開雙袖。問郎寒否。試納郎纖手。

尤悔庵曰。僕作子夜冬詞云。博山薄不陳。以妾爲煖。手沉水。薄不薰。香在。微懷。取欲與。葑園。此詞對証。宗梅岑曰。問郎寒否。試納郎纖手。讀葑園詞。聞中不可無此情。昵。踏。青。回。露。濕。怕。春。寒。倩。郎。溫。熱。讀。升。庵。詞。聞中不可無此嬌態。

浣溪沙

春詞

十五纖腰學柳輕。東風無那惹流鶯。渡江蘭橈自相迎。
紅。豈。不。將。投。薄。倖。青。鸞。原。只。寄。多。情。碧。甕。花。下。坐。調。

厓

紀子湘日芳踰散靡色幾
開蓮筆墨之間都是瑤草

又

買斷春風榆莢錢拋殘紅日柳絲鞭王孫歸去劇堪憐
鸚鵡窺翻態陸局珊瑚壁亂十三絃晝長無事不教

厓

杜茶村曰只言無聊光景所思
意在言外不異詩人溫厚之旨

又

疊疊巫山不是高
蕭然鄂渚朱雲遙
難堪惟有可憐宵

兩意半含如豈。鬼寸心千轉。是芭蕉東風。不管倩魂消。

郭影霞曰。從次自至山。高得來。方樓岡日一字一珠。

又

紫陌珠旂挽碧絲。鵲啼上海棠枝。香勾爭踏艷陽時。
樓上紅簾翻鷁子。簷邊金勝鬧鸛兒。惜人忙處擲相思。

王阮亭曰。藻思巧妙如晴霞結綺。詞部嘗有如意曲三十首。予摘其尤麗者如道裁。鄂清。皆成偶玉。種藍田。合自雙芳。心慣悲來。君恨春思。須防阿母疑。檻外芳叢。閑懸蟬悟。梢清露浣。蟾蜍對列。鶯與秦氏女。俱

飛孔雀伸唧。妻腸結千絲。回雪。酸令一味似青梅。
憑將精衛填愁海。肯向巫山作斷雲。晴裏。既垂知假。
雨。蜜中蜂。斷是空房。箇箇獨開。迎妾渡。靡蕪不採望。
夫山離恨三分添。頻暈春情一段上。眉頭。芙蓉並蒂。
時臨鏡。蝴蝶雙飛。不捲簾。自君出矣。交河北有所思。
今大海。南豈。蕊含情。應結子。菖蒲難見。是開花等句。
驚才絕艷。異調同工。西崑。
玉溪何足儼其芳澤耶。

中興樂

山中簡陸景宣

昏鴉小雨落。楓時山中。岑寂如斯。惟遲君來。晤言消之。
茅簷月出。橫谿雅相宜。牀頭斗酒。兼之鹿乳。蕨菜初肥。

馬觀揚日雋永幽澹絕
似晉人短牘中佳致

眉萼

新譜翻曲中
與樂用仄韻

憶舊

絲窗人靜。榴花瘦。眉萼翠香依舊。記得堂前。簸錢羞走。
不令當時迤逗。愁時候。心頭念着小字千迴。忍將伊
咒。

吳長庚曰。柳耆卿筭伊心裏却寬人。
薄倖不若。菑園忍將伊咒。倍是情深。

訴衷情

春游和仲殊韻

誰家綺閣傷芳洲。綠水遶門流。羅衣暗香，微度歸到小紅樓。金鈿落翠鬟，浮折花游。一回含笑，半晌沉吟，幾步回頭。

稽叔子日天然風韻紅草
交生碧樹四合乃有此致

採桑子

本意

提籠陌上逢游冶。郎佩香藍。妾帶宜男。兩種芳心各自
諳。佯羞却步嬌無語。心似春蠶。淚在青衫。欲說相思
一半含。

袁擇庵曰描寫情態如蘭蕙弱不可索解
徐武令曰各自讀三字妙有貞性

卜算子

春恨和淮海韻

曉起乍開簾。滿眼梨花瘦。惱却流鶯不住啼。明日還來否。
啼罷莫頻來。樓上雙垂手。頰襯桃花不耐紅。暈薄非關酒。

葉詡庵曰暈薄非關酒豈早被東風吹醉耶不耐紅更自含情無限
減字木蘭花

旅興

百花洲裏盈盈小閣春如許何必煙霞風弄庭前枳殼
花夢來無緒料應多是清明雨莫道天涯門對當壚

第二家

馮諤生曰雅淡却似
瑤瑟初聞露彩泛灑

鏡裏

蟬髮未折輕彈紅絮飄香雪妬殺真真書上添他雙玉
人眼波斜送顛倒眉心結翠鳳笑喚卿卿一筆描來

兩處情

徐敬庵曰庚子山咏鏡詩影照
兩邊人全從此句說在而無

宗梅岑日將真真却在鏡裏可稱神巧僕嘗有咏垂
絲海棠詩枝間小小同心結雨後真真軟障圖對此
不覺遜色

菩薩蠻

廻文

錦鴛文印檀霞枕。枕霞檀印文鴛錦。蛾黛蹙愁多。多愁
蹙黛蛾。院深喧語燕。燕語喧深院。長若杜蘭香。香蘭
若杜長。

范黠庵日中州廻文菩薩蠻。檀推黃華玉孟
宗獻要皆題步。翡翠庭不如葑園自開戶。騷
宋荔裳日廻文。雖在自然無牽強。湊合之跡而
倒句。綢奇別出一意。乃稱妙手。此真絕倫之作。

又

綠鬟烟挽斜勾玉。玉勾斜挽烟鬟綠。郎贈口脂香。脂
口贈郎。影鸞交彩映。映彩交鸞影。俯鏡笑成雙。雙成
笑。鏡。傷。

尤悔庵曰。栢梁詩。嚙妃女唇。甘如飴。俚。褻。小。
致不若。藟園香脂口贈郎。令人消魂欲盡。

又

淥波春飜橫塘曲。曲塘橫。春波淥。眉似柳。家兒家。
柳似眉。小星花榭遶。遶榭花星小。彈指玉燈殘。殘燈
玉指彈。

朱既庭曰歷歷
如小燕呢喃

又

草芳閒院春啼鳥。鳥啼春院閒。芳草情薄。怨來生生來。
怨薄情。蝶閒花笑。妾妾笑。花閒蝶遮。莫妾如花。花如
妾。莫遮。

紀伯紫曰落花點草處處含怨
張馬供曰無限痴情

又

數重花幔穿金縷。縷金穿幔。花重數愁處。是高樓樓高。
是處愁。鳳釵橫壓夢夢。壓橫釵。鳳通夢兩心同。同心。

兩夢通

傾茂倫日樓高是處愁
不減月明人倚樓之句

又

舊如相識當壚酒酒壚當識相如舊卿是
可○人○情○情○人○
可○是○卿○
扇低翻見面而面見翻低扇人覷却迴身身迴
却覷人

顧且庵日迴句須兩意又俱
自然乃妙惟藕園能得三昧
王丹麓曰妖冶
之極令人蕩蕩

又

下簾低喚。即知也。世知即喚低簾。下來到莫疑猜猜疑。
真到來。道僕隨處。好好處。隨僕道書寄待何如。如何。
待寄書。

彭美門曰宛轉
開生淺處自佳

又

女牆東映紅蘭。清清蘭紅映東牆。女迷路小窗。西窗。
小路迷。錯來行。又却却。又行來錯。真箇恁情親。情。
恁箇真。

嚴韻亭曰。自蘇山來。寫來都是牆東。
好女窺。臣三年飛濤。共宋玉後身耶。

王西樵曰菩薩髮迴文有二體有首尾迴環者如丘
瓊山秋思湯臨川纖錦是也有逐句轉換者如蘆子
瞻間思王元美別思是也然逐句難于通首讀蒨
園八作自然中風雅入情常駕東坡奔州而上
更漏促紅牕新譜犯曲上三句更漏子
下二句紅牕睡後段同

本意

鴈聲頻。霜華墜。悄過畫屏愁倚梧桐滴盡乳壺水添枕
函清淚。初鬆髻。方成寐。誰把夢兒驚起芭蕉送雨到
暗燈牕裏。

彭襄五曰如夜來秋氣

入銀屏堪寫此中蕭瑟

諸虎男曰海水長門暗風吹雨同一凄
感祠部合鍊成詞能不令宮閨掩泣耶

怨桃花

新譜犯曲上三句無主
三下句桃花木後民同

春園

雕梁彩燕脫窓紗。人似盧家。肩拭翠臉。勾霞時樣。不爭
差。起看簾日初斜。睡未足。痕生鬢鴉。劉郎歸夢。帶夫
涯。怨桃花。

毛雅黃日不淺不深
有疲疲傷心之處

清平樂

放艇

青山似沐。深柳含茅。屋帆影。樽前隨處。綠愛傷鴈。羣同。

娘家沽酒。當爐未老人。依舊雙纖手。銀瓶淺汲紅珠。久低說儂家。只有。

曹府庖曰。天竺山前蒲九娘。此僕舊竹枝詞也。今爲詞部估出。詩云。傳芳託嘉對。張歌寄好詞。讀此覺賸粉殘脂尚。有生賦。

王西樵曰。未語趣甚。紅槽碧甕之外。了無一物堪供客者。豈其然乎。

武陵春

冬景

老對壓雲簷溜折。爛葉滿山谿。鳥斷空林。豈掩扉風雪。一樵歸。沽酒前村梅正落。香霧撲人衣。日暮綠溪獨。

杖藜一任野鷗隨

程端伯目隱秀

孫鼎如曰疎爽之氣如秣騷平莎戲鷗淺瀕

閨思和李清照韻

郎去蕭灘十八折折折在心頭淚捲西風無了休吹送
楚江流竹格渡前風日好早晚問歸舟認得船娘郎
去舟人不是幾回愁

周質庵曰望遠處正有無限愁思

覺荆雲冠木隴木嘯煙尚未情至

桃源憶故人

春閨

紅薇紫燕開成隊。正是困人天氣。拋却繡牀閒。戲須趁。
鸚哥睡。臉霞雙襯輕紅膩。早被東風吹醉。池上鴛鴦。
作對。怱過鞦韆背。

吳梅村曰緣物寄情正見
笑時無比嘆時可憐之態
宋荔裳曰鸚武前頭不敢言
加一睡字寫女郎心事妙絕

眼兒媚

開緘

銀鈞和淚折瓊枝。又寄斷腸詞。開緘何物。幾顆紅豈一。
裊烏絲。鴛鴦倒押宜春字。此意費尋思。分明說與海。

紫閣後燕子來時

託介社日說得蕙情
分明子夜讀曲來

灘破浣溪沙

嬌小

一剪鴉翎半韓肩。生憎嬌小向人前。曾解東風多少恨。
自今年。愛唱新翻歌。向快學梳時樣。誓長偏捉得晴。
與雙疊翅背人看。

程昌量日荷翻納影
月動吹衣有此情景
張千秋曰艷筆幽思寫嬌小盡態曹
子建是詩家妙境此是詞家妙境

渤海道中

獨向狙狽採石芝。霸陵妻子訝歸遲。滄海一裘風雪裏。
少人知。懶到蘇嫌嵇叔拙。貧來鬼笑伯龍癡。短鬢怕
將愁思織。已成絲。

劉公誠曰。柔情中別具一副蒼滑。
正見雅人品格。○後段令人絕倒。

野祠

鴛瓦霜彫。野蔓疎澹。烟黃葉女郎祠。玉貌花鈿。秋雨洗
半模糊。古案神燈。翻墮鼠短牆。瘦對慣樓烏。客去鐘
殘。山月白。一僧孤。

陳際叔曰曹詩山木女
郎祠直是此詞註脚

三字令

闌怨

風雨裏送殘春。暗消魂。瓊牋香。寶釵分。燕來時。花落處。
怕思君。愁如絮。夢如雲。正黃昏。金猊炙。玉斚新。恁良
宵。誰更惜。可憐人。

萬東山曰作闌怨詞妙在閒雅
不減淡面春山不喜添之句

錦堂春

題秦氏書屋

疎雨半牕花影。秋風一枕松聲。焚香獨會衆同烹。手自
訓黃庭。鵲眼冷依湘竹。烏皮靜捲蓉屏。阮公酒甕陶
公菊。編此最關情。

杜莘庵曰寒英始獻涼
醴初醇正堪朗吟此詞

兩相思新譜。今下二句相思後段同

歌席調劉晉度

翠袖練裙香苑。花底送愁蛾。錦瑟櫻桃相和歌。爭看無
奈何。素手嬌映紅螺。画屏深細炙銀鵞。愛盼周郎曲
誤多。教儂却怎麼。

嚴杜峯曰昔人云素雲留管玄
鶴停絲讀此詞自有留停之趣

番女八拍

新譜犯曲上二句番女怨
下二句八拍蠻後段同

本意

黃榆風急海鷺啼馬頻嘶
迷婆城外千山雪錦繖蠻靴
夜打圍梧桐對下軋鳴機
念征衣孤鴻一去無消息
使盡西風喚不歸

毛稚黃曰結語風韻悠揚若入唐人從軍行塞
上曲名稱高調然却是詞家本色作絕句不得

柳梢青

寄怨

紅杏依然小樓空倚。目斷晴川。不採靡蕪。打開鸚鵡武有。
恨休傳。惱人偏是雲箋。更說恁燈前枕邊。不信他家。
微香艷粉。若個堪憐。

曹秋岳曰言短情長所謂寒淚

何誰道鷄鳴徒嘆息同此色色

尤悔庵曰香艷粉詞笑輕薄幾欲抹
倒一世佳人若淡掃蛾眉不教妬殺耶

河濱神

峭山旅舍逢何蕤音侍御兼訊曹顧庵學士

風雪峭嶠遲山家共倒鷗。瓷袁安高卧已多時。爲予折
簡招之。何如舊日岷陽宅。馬蹄早趁霜熱滿。地昏鴉

對。白。煩。君。敬。謝。通。客。

張公選日。案。及。野。風。芸。黃。
秋。草。想。見。故。人。握。手。時。

滴滴金

春暮

子。規。不。厭。啼。朝。雨。帳。綃。寒。人。如。醉。游。絲。偏。惹。牆。頭。絮。惱。
得。東。風。住。凭。闌。立。盡。殘。紅。暮。問。春。歸。向。何。處。胡。蝶。花。
叢。斑。燕。乳。可。是。相。思。攸。

洪。異。軒。日。姿。情。如。許。鶯。燕。同。
心。不。須。金。樽。花。釵。始。見。丰。美。
孫。無。言。日。雨。結。句。造。
思。入。微。語。極。聰。俊。

偷聲木蘭花

怨情

五、花、鬢、角、青、奴、冷、星、透、銅、烏、蓮、羽、淨、此、際、難、支、紅、淚、拋、
殘、十、二、時、秦、王、宮、裏、青、銅、鏡、能、照、妾、胸、方、寸、影、安、得、
神、鉞、繡、出、思、君、一、片、心、

沈繹堂曰一片真心不得作卓女白頭吟如能
陳其年曰鏡照不如鉞繡類義山艷体中刻畫語
扶醉待郎歸
新譜犯曲上三句醉紅粧
下二句阮郎歸後段同

本意

斂眉檀暈薄寒侵。紅酥透。力難禁。迷離春思幾沉吟。含

差錯弄琴。流螢點點過花陰。吹不度。是郎心。玉人真。

箇到溫衾。巫山夢未深。

胡又弓曰溫飛卿清夜背燈嬌又醉形容妙矣尚不若此詞玉人二語澹傷可思何必說至叙橫枕牀時也

王倩修日風姿雅澹李供奉笑倚東窓差堪並擬少年遊

豆娘子

綠綃香捲粉痕輕。花底未分明。薄翠三分纖腰一縷占得許多情。怯向東風尋舊恨。梨雨夢難成。巧上花鬢。玉人頭上。添取鈿雲青。

柯岸初日比空同
樂府更加新逸

燕歸梁

仙妹和柳耆卿韻

石藥烟鬟惹翠深。釵燕凝金。吹簫偷作彩鸞吟。碧堦下
整羅襟。瓊樓碧海千年恨。空行雨到如今。人間多少
會知音。偏解得是琴心。

陳學山曰悲感自深正得詩人怨而不怒意
王印周曰是耶非耶彷彿夷光立宮對下時也
一痕眉碧新譜犯曲上二句一痕沙
下二句眉峯碧後段同

湖上行春

風送。画橋春綠。戲水紫鴛爭逐。柳花落盡。短長亭。偏亂
惹低鬟綠。人倚翠樓如玉。忍使嫵眉長蹙。鵲鵲飛上
竹枝啼。停樽且盡吳娘曲。

季孚公曰。寓哀情于促節。正勝

歌毛熙震玉對後庭花一闋

憶醉鄉

新譜犯曲上三句憶少年
下三句醉鄉春後段同

送孫無言歸黃山

鹿門未老。蹉跎雙鬢。歸尋舊里。探囊中酒。飄存足了一
生。惟醉。蝸角浮名如戲耳。笑裘馬無如。芒屨君行矣。
莫停杯。醉鄉卽在桃源裏。

史雲次日類唐放浪直
似稼軒吳頭楚尾一詞

燕銜花

新譜自
度曲

閨情

吹落燕銜花絮。着意留他住。廉櫳斜入復飛來。凝眸乍
已。隨春暗去。欹枕小眠驚起。沒箇安排處。剔勻殘穗
又。燈花郎歸也。正蕭蕭暮雨。

張祖望曰周美成馬滑霜濃不如休去飛濤
即歸也正蕭蕭暮雨灑口溫存一般香味

尋芳草

本意

嫩碧微煙籠。踏青時。芳菲誰共。繡鞋兒。却被香塵擁。
不住。王孫夢。拾翠幾尋思。笑撚着。合歡閒弄。茜裙飄。
掠得薔薇動。零亂了。釵頭鳳。

惜綺園日新香裏
象如芳草搖曳

醉花陰

春暮和清照韻

簾影沉沉移午晝。迷迭消紅獸。彈淚上花梢。一霎風吹。
片片。胭脂透。困人天氣黃梅候。粉汗沾羅袖。鸞鏡掩。
重開。試揣紅綿。都是何時瘦。

張翥生日字字冰色綠錢帶紫苔生開未足爲輸
李大根曰如此言情方勝寸寸愁腸盈盈粉淚之句

寒食

牆角鞦韆紅影度。踏遍新苔露。眉恨寄天桃。賺燕迷鶯
都。做相思對。柳絲烟挽。湘簾暮。春悶晴如雨。樓外更
飛花。眉成重重難鎖。東風住。

嚴顯亭曰燕歸日開趙帶風靡正是寒食
時節讀此恍在洛陽佳處南陌翠柳中

陸吳州曰韓知制誥以寒食飛花一瞬見賞于上倘
見此詞有不道恨不與此人同時耶○賺燕迷鶯故
寵柳嬌花
倍覺新艷

雙調荷葉杯

春
墜

繚遶空庭如雨。柳絮粧閣小簾垂。□東風不遣透羅幃。
飛摩飛。飛摩飛。鳴軋枝頭不去。杜宇闌。倒小窗西。巫
山拚作曉雲歸。啼摩啼。啼摩啼。

黃雲珠目細細言情正
如和露曉疑時嚶初起

層紫滿日輕薄楊花無端杜宇最是關情詞部以姿
艷之筆寫之有聲有色足令金荃失采玉茗無香矣

雨中花

江亭晚集

望裏江城如霧柳外簷星初吐、
雙尾爭傳紅牙乍拍、

耿煙深處。樽前翠袖雙眉嫵。香入鴈絃半度。看野鷺
多情。菱荷應笑客且休歸去。

胡天仿目蕭酒自
適得蕪陸之上乘

春去

此去明年還見何似離情難遣紅淚如珠偷彈多少肯
把東風換。未到三更猶是伴。且待闌干弄晚。奈鳥乳
花喧。秋千立盡日送殘陽遠。

蔣虎臣目一良深情徒倚
如見東皇太一未免豁弱
兄文傳目况年來心懶意怯
羞與鬪蛾兒爭耍同一悽感

浪淘沙

春宮怨

永夜促。亂遲春透。翠蛾愁。波題就曉寒詞。正值鴛鴦殘。
月白偏冷銅蟬。娥影洗臙脂。此意誰知。隱聞簫鼓乍驚疑。
多是平陽初進。幸好夢醒時。

梁蒼巖曰。寫得靜穆。玉龍標。
玉顏下及寒鴉色。失之太露。

秋宮怨

蟾吐玉階寒。翠袖低翻。每從花裏候龍顏。愛聽君王吹玉角。
倚遍闌干。新賜碧瑤環。不道巫山莫曾私。幸尚

衣班生怕守宮痕漸落幾度偷看

計子山已正在羅幃欲進明銀未前時
使人生怨○是夢是真寫得恍惚入妙

河傳

咏燕

雙燕如剪乍逢寒食飛來深院呢喃小語訴東風留戀
主人情莫遣 雕梁依舊頻頻見香夢遠春逐梨花軟
復依簷又穿簾 慙慙汝來今更添

謝程竹日河傳詞箋句促有警語則
通體可觀春逐梨花軟一語擅場矣
計力臣日依戀舊家庭館物似多情汝來今更添人
嫌誰之不去寫無可奈何之况何婉致乃尔○長歎

語商量不起

異態同工

蓋珠

新譜犯曲上二句秋蓋香
下三句一解珠後段同

和愁

東風慣鎖雙眉。結難掃。愁峯千疊。小樓同夢。桃花月。私語分明。牢記與伊說。花欄景。厭藏迷蝶也。羞妾偷將寫恨。紅箋摺。迸淚和愁。錦字半明滅。

徐野君曰。易安忍把歸期負。亦遙此情致。

月兔

新譜犯曲上三句。意莫月。下二句。醉落兔後段同。

春曉

露掩枕屏香翠寒透合歡雙被小窗初日見簾鉤夢逐
東風慣惹梨花醉沉沉春睡足幾度抬頭慵起起來
閒坐撥爐灰好鳥枝頭頻喚梳頭未

徐荆山日溫蛟卿寶帳驚鴛春睡美陸
放翁幽夢不成還起堪作此調脰詞

范默庵曰一聲平一聲仄一聲
圓此樂府中所稱一串珠也

南鄉子

閨情

柳色半紅樓漫捲湘簾不上鉤故說日長針線懶羞羞
偷把鴛鴦繡枕頭約伴踏青遊飛絮流鶯倍惹愁歸

去小姑春水。語啾啾。語啾啾。笑不休。

王阮亭曰：于韞仲詞之鴛鴦怪來針線，裁工夫強半爲梳頭。此冬詞也。今葑園云：云日短日長，俱爲閨中藉口。如此抑詞，人故作口業耶。

春晚

睡起倦歎鬢。捱到黃昏淚盡斑。影怯空房燈又落。單簷掛春星。燕子寒。心事正闌珊。倚遍東風步轉難。看暈三分。看一抹。看看瘦盡梨花春也殘。

朱荔裳曰：花落春殘，燕寒星冷，僕猶不耐人何以堪。

查春谷曰：都是閨中暮春情景。看二字，比人似黃花瘦，何更深。

山鵲鵲

新譜犯曲上三句小重山
下二句鵲鵲天後段詞

春夜

霧侵梨花冷。画屏流蕙捲。月透正三更。被郎偷把銀燈。
滅。將了鴛鴦繡未成。小語乍惺惺。低垂銀蒜落悄無
聲。貪歡枕上情如醉。多少啼鵲喚不醒。

臨景韓曰。鶯此若。鵲寢夢。画屏空已爲。絕
至。銀紅偷。法枕上啼鵲尤令人低徊不置。

虞美人

春恨

斜拋鴛枕春難穩。到處成愁恨。正芳燕子下簾鉤。風送

一天飛絮過西樓。空房恁怯衾如水。炙着燈兒睡地。
殘猶未淚痕收。不信東風多少在眉頭。

郭寅客日於心賞處偏多。心恨狹。
袁才女銅街麗人古今一轍。

又

夕香人去金猊冷。翠掩屏山影。合歡一夜滿庭開。蝴蝶
不知人恨却飛來。片時枕上春勾引。已是消魂口盡。
夢回留得幾多魂。又被姊歸催去。二三分。

陳其年曰。枝上流鶯和淚聞。不如
蝴蝶不知人恨却飛來。更覺新穎。

怨情

池中萍藻池邊柳相映春光逗與郎一處誓同生除是
郎爲柳絮安爲萍萍根本是楊花結不比閒枝葉儂
拚水面作萍花只恐郎爲飛絮又天涯

宗鶴問目世是行雲儂是夢妙矣此于郎爲柳絮下
更轉一語只恐飛絮又天涯覺後來者愈轉愈妙

前調第二體

風情

櫻桃夢逐鴛鴦影密約今宵定分明待月在花叢臨時
又說病來慵好朦朧麝脂香沁雲屏透正值黃昏候
低眉不語暈潮紅搔頭忘整髻蟬橫太匆匆

張祖望日朦朧匆匆寫出一片小膽閨態
若解羅不待勸就枕更須牽則流于淫矣

醉落魄

新夏

洗粧初曉綃紅褪待眉勻掃銅虬半吐春雲裊雨壓枇杷
莫恨鶯啼少香泥窄鳳金鈴悄兔絲偏是裙欄草
越羅倚竹湘娥笑鬢惹飛香吹落桐花小

許西山人日閨詞落筆生香如握
蘭盈把溫韋何得專美于前

去郎

予歸可矣十年不索長安米掉頭滄海成何事屠狗從

遊閱盡人間世。學成一劍胡爲爾。酒酣不倚出。勢裂眦。莫救荆卿死。揮手而來浪跡於今始。

范黯庵曰。呻吟節。自聲山金石。昔人謂趙禮部是。蘓子美後身。余謂丁祠部是。坡老再來無疑也。昔幾千日有懸崖撒手之勢。如此胸懷。自難羈縻。一肚皮不合時宜。

踏莎行

村女

淺碧藏鳩。亂紅吹絮。疎疎幾陣催花雨。小橋一帶種桃。花。花。邊。便。是。兒。家。住。近水湘簾幾重。春霧。鷓鴣聲裏。人。何。處。月。明。偷。出。浣。溪。沙。笑。將。花。影。同。歸。去。

張遜林日坡老最愛少游踏莎行詞天隱謂其
發源于卬風之歲葑園諸詞皆風人之香澤也
嚴廣成日笑指柔桑是稼
軒致語讀此尤覺媚賦

小重山

舟中九日

昨歲重陽江上時。傾別酒。花發正東籬。今年九日恨花
遲。花無恙。携酒欲同誰。風雨綠帆歛。滿汀楓葉落。照
行杯。醉來或恐夢先歸。茱萸女。留取故園枝。

傅彤臣日遣調流麗全取

法蘊玉局少年遊一首

宋旣庭日恐夢先歸。甚不必再向天公
借別。殘紅地。但夢裏。隱有斜車。羅袖。

惜分銀

春恨

腰如楚。心如絮。慙慙恨不隨風去。最慘人。是殘春。飛花枕上啼痕紛紛。眠無緒。醒無據。隔窗小夢和花語。怕黃昏。怯羅裙。聞說相思入髓。迷冤真真。

吳園次日。隔窗小夢。和花語。與春逐。梨花軟。小樓同夢。挑花片等句。俱可入麗句。同少遊。雨打梨花。頓爲傾減。

悵別

人輕別。愁如結。長亭遙掛青樓月。漫凝眸。付東流水。逐

桃花風送郎舟悠悠
眉長闕腰初瘦黃昏正是愁時
得意難留恨無休雨打風爭淚滴香篝收收

蓬若水日長亭月掛遙映青樓安得不恨
人去臨別風爭和淚並喻離收妙甚

待約

霓裳綽蟬鬢掠粧成坐待秦樓約綉屏前藥欄邊纔遣
青鸞又報花牋連連
蘭缸灼榴珠錯露苔香浸蓮勾
弱後迴旋漫俄延月更朦朧雨復聯綿扁扁

王阮亭曰此詞傳神處全在末二疊字如詞部
春恨之蟬綿待約之詠情驚魂動魄尤爲絕唱